

四庫全書

集部

欽定四庫全書

石倉歷代詩選卷四百九十三

明 曹學佺 編

明詩次集一百二十七

唐寅

短歌行

尊酒前陳欲舉不能感念疇昔氣結心寃日月悠悠我
生告道民言無欺秉燭夜遊昏期在房蟋蟀登堂伐絲

比簧庶永憂傷憂來如絲紛不可治綸山布谷欲出無岐
頰頰若穴爇爇莫絕無言不疾鼠思泣血霜落飄颻鴉栖
無巢毛羽單薄雌伏雄號緣子素纓灑掃中庭躑躅躑躅
仰見華星來日苦少去日苦多民生安樂焉知其他

相逢行

相逢狹邪間車室馬不旋雖言異鄉縣豈非往世緣脫
轂且卷鞭高揖問君塵女弟新承寵阿兄李延年何以
結歡愛渠盤出于闈女蘿與青松本是當纏綿

出塞

烽火照玄兔嫖姚召僕夫朱家薦逋虜刀間出黥奴六
郡良家子三輔弛刑徒笳度烏啼曲旗參虎落圖寶刀
裝鞞珠名駒被鏤渠縱金出孤竹飛旗掩二榆妖雲壓
亡塞珥月照窮胡勤兵收日逐潛軍執骨都姑衍山重
禪燕然石再劄功成肆郊廟雄郡却分符

其二

烽火通麟殿嫖姚拜虎符馬聲分內殿旗影發前驅六

郡良家子三輔弛刑徒夜帳傳刁斗秋風感蟋蟀功成
築京觀萬里血糊塗

紫騮馬

紫騮垂素韁光輝照洛陽連錢裁壁玉障泥圖鳳皇夜
赴期門會朝逐羽林郎陰山烽火急展策願超驤

驄馬驅

悠悠驄馬驅道阻歲云晚宜無同裘士念子不能飯木
脫辭故枝去家日已遠鳴雞戒前道夕暝猶驅塞筋力

已非舊淚下不可卷

俠客

俠客重功名西北請專征
慣戰弓矢捷酬知性命輕
孟公好驚坐郭解始橫行
相將李都尉一夜出平城

隴頭

隴頭寒多風卒伍夜相驚
轉戰陰山道暗度受降城
百萬安刀斃千金絡馬纓
日晚塵沙合虜騎亂縱橫

隴頭水

隴水分四注隴樹雜雲煙磨刀共斂甲飲馬並投錢朔
地風初合交河水復堅寒禁不能語烏孫掠酒泉

白髮

清朝攬明鏡玄首有華絲愴然百感興雨泣忽成悲憂
思固逾度榮衛豈及衰天壽不疑天功名須壯時涼風
中夜發皓月經天馳君子重言行努力以自私

履吉王君以長句見贈作此為答

歲月信言邁吾生已休焉春滋未淹暑退大火流灑

掃庭戶間整飾衣與裘
玄鳥樂高蔭攀援聊淹留
仲尼悲執鞭富貴不可求
楊朱泣路歧彷徨何所投

聞蛩

孟夏蟋蟀鳴白露零蔓草四
昔序相代候物興何早游
子尚寒襦佇聽傷懷抱隙景
無淹晷壯志坐衰老

夜中思親

玄序潛代運穠華不久鮮
仰視鴻雁征俯悼丘中賢
迅駕杳難追庭止念周旋
殺身良不惜顧乃二人憐
嘉昔

羞艾棗涕泗徒留連

傷內

淒淒白露零百卉謝芬芳
槿花易衰歇桂枝就銷亡
迷塗無生駕款款何從將
曉月麗塵梁白日照春陽
撫景念疇昔肝裂魂飄揚

咏梅次楊廉夫韻

北風着面刮起霜
蜡月何處尋紅芳
瘦筇曳盡湘竹節
雙鞋踏倒江沙芒
谿橋突兀田塍裂
雪裏梅開梅勝雪

不妨地上有微冰，且是江南好。明月羅浮，仙子麗風韻。
廣平才人領花信，胸中漫有鍊石腸。眼前且看鴉雛鬢。
三更灸燈雁足缸，十千沽酒螭頭觴。折得隴頭逢驛使，
先與天下頒春王。衲衣結鷄何愁冷，醉眼糝糊長不醒。
遊遍西湖夜繼明，休把東風負俄頃。

題五王夜燕圖

積善坊中五王宅，重樓複閣開輝金。碧衾長枕共春秋，
鬪雞走狗連朝夕。花萼樓前夜開燕，沈水凝煙燈吐燄。

列坐申王與岐薛讓皇降席同南面
昆侖琵琶涼州歌
當時進御雜雲和宮聲不屬商聲
暴琵琶聲起少琵琶聲多
獨有汝陽知律呂曾把流離諫明主
他日回鑿蜀道中
不教審聽鈴淋雨

席上答王履吉

我觀古昔之英雄
忼慨然諾盃酒中
義重生輕死知己
所以與人成大功
我觀今日之才彥
交不以心惟以面
面前斟酒酒未寒
面未變時心已變
區區已作老邨莊

英雄才彥不敢當但恨今人不如古高歌伐木矢滄浪
感君稱我為竒士又言天下無相似庸庸碌碌我何竒
有酒與君斟酌之

七夕賦贈織女

神雲矯矯月離離帝子飄飄即故期銀臺極夜留魚鑰
珠殿繁更繞鳳旗靈津駕鵲將言就咸池沐髮曾令晞
含情忍態辭文席七襄仍弄昨朝絲

江南春次倪元鎮韻

梅子墮花菱笋笋江南山郭朝暉靜殘春鞵襪試東郊
綠池橫浸紅橋影古人行處青苔冷館娃宮鎖西施井
低頭照井脫紗巾驚看白髮已如塵

人命促如光陰急淚痕漬酒青衫濕少年已去追不及
仰看烏沒天凝碧鑄鼎銘鐘封鬱邑功名讓與英雄立
浮生聚散是浮萍何須日夜苦蠅營

姑蘇八詠

天平之山何其高巖巖突兀凌霄風回松壑煙濤綠

飛泉漱石穿平橋，千峯萬峯如秉笏。
峻嶒相壁立，范公祠前映夕暉。
盤空翠黛寒雲濕。右天平山

高臺窳近姑蘓城，千年不改姑蘓名。
畫棟雕楹結羅綺，面面青山如翠屏。
吳姬窈窕稱絕色，誰知一笑傾人國。
可憐遺址俱荒涼，空林落日寒煙織。
右姑蘓臺

昔傳洲上百花開，吳王游樂乘春來。
落紅亂點溪流碧，歌喉舞袖相徘徊。
王孫一去春無主，望帝春心歸杜宇。
啼向空山不忍聞，淒淒芳草迷煙雨。
右百花洲

花開爛漫滿邙塢風煙酷似桃源古千林映日鶯亂啼
萬樹圍春燕雙舞青山寒寂無煙埃劉郎一去不復來
此中應有避秦者何須遠去尋天台 右桃花塢

繁花漫道當年甚舉目荒涼秋色凜寶瑟已斷鳳皇吟
碧井空留麋鹿飲響屨長廊故幾間於今惟見草斑斑
山頭只有舊時月曾照吳王西子顏 右響屨廊

金閭門外楓橋路萬家月色迷煙霧誰閣更殘角韻悲
客船夜半鐘聲度樹色高低混有無山光遠近成模糊

霜華滿天人怯冷江城欲曙聞啼鳥
右寒山寺

長洲苑內饒春色潑黛巖光翠如濕銀鞍玉勒鬪香塵
多少遊人此中集薄暮山池風日和燕兒學舞鶯調歌
當年勝事空陳迹至今遺恨流滄波
右長洲苑

具區浩蕩波無極萬頃湖光淨凝碧青山點點望中微
寒空流浸連天白鷓夷一去經千年至今高韻人猶傳
吳越興亡付流水空留月照洞庭船
右洞庭湖

花下酌酒歌

九十春光一擲梭花前酌酒唱高歌枝上花開能幾日
世上人生能幾何昨朝花勝今朝好今朝花落成秋草
花前人是去年身去年人比今年老今日花開又一枝
明日來看知是誰明年今日花開否今日明年誰得知
天時不測多風雨人事難量多齟齬天時人事兩不齊
莫把春光付流水

一年歌

一年三百六十日春夏秋冬各九十冬寒夏熱最難當

寒則如刀熱如炙春三秋九號溫和天氣溫和風雨多
一年細美良辰少況且難逢美景何美景良辰儻遭遇
又有賞心并樂事不燒高燭照芳尊也是虛生在人世
古人有言達矣哉勸人秉燭夜遊來春宵一刻千金價
我道千金買不回

一世歌

人生七十古來少前除幼年後除老中間光景不多時
又有炎霜與煩惱花前月下得高歌急須滿把金樽倒

卷四 百九十三
世上錢多賺不盡朝裏官多做不了官大錢多心轉憂
落得自家頭白早春夏秋冬撚指間鐘送黃昏雞報曉
請君細點眼前人一年一度埋芳草草裏高低多少墳
一年一半無人掃

把酒對月歌

李白前時原有月惟有李白詩能說李白如今已仙去
月在青天幾圓缺今人猶歌李白詩明月還如李白時
我學李白對明月月與李白安能知李白能詩復能酒

我今百盃復千首我媿雖無李白才料應月不嫌我醜
我也不登天子船我也不上長安眠姑蘓城外一茅屋
萬樹桃花月滿天

怡古歌

人心不古今非昨大雅所以久不作宣尼歎息觚不觚
良為真純日雕琢大禹寶鼎沉沉泥沙宣王石鼓已剝落
世間耳目狃時俗聞見安能免齷齪沛國劉君天下賢
形體則人心則天好尚獨與時俗異神游直出羲皇前

三王制作列鼎鼐四壁圖畫飛雲煙汗牛充棟不可計
怡然尊偃於其間君之此志無人識我將管蠡聊窺測
心期欲見古之人不見古人愛古物漢唐蕭曹與房杜
夏商殷周并契稷上下三千六百年與君同心復同德

妒花歌

昨夜海棠初着雨數朵輕盈嬌欲語佳人曉起出蘭房
折來對鏡比紅妝問郎花好奴顏好郎道不如花窈窕
佳人見語發嬌嗔不信殘花勝過人將花揉碎擲郎前

請郎今夜伴花眠

詠漁家樂

世泰時豐芻米賤買酒頗有青銅錢夕陽半落風浪舞
舟船入港無危顛烹鮮熟酒招知己滄浪迭唱仍扣舷
醉來舉盞酌明月自謂此樂能通仙遙望黃塵道中客
富貴於我如雲煙

悵悵詞

悵悵莫怪少時年百丈游絲易惹牽何歲逢春不悵悵

何處逢情不可憐
杜曲梨花盃上雪
灞陵芳草夢中煙
前程兩袖黃金淚
公案三生白骨禪
老後思量應不悔
衲衣持盃院門前

七夕歌

右係宋張文潛
詩原本誤入

人間一葉梧桐飄
蓐收行秋回斗杓
神官召集役靈鵲
直渡銀河橫作橋
河東美人天帝子
機杼年年勞玉指
織成雲霧紫綉衣
辛苦無歡容不理
帝憐獨居無與娛
河西嫁與牽牛夫
自從嫁後廢織紵
綠鬢雲鬟朝莫梳

貪歡不歸天帝怒責歸却踏來時路但令一歲一相見
七月七日橋邊渡別多會少如奈何却憶從前歡愛多
匆匆萬事說不盡玉龍已駕隨羲和河漢千官催曉發
令嚴不肯輕離別便將淚作雨滂沱淚痕有盡愁無歇
吾言織女君莫嘆天地無窮會相見猶勝姮娥不嫁人
夜夜孤眠廣寒殿

聽彈琴瑟

高厦列明燈展瑟復張琴
柔絲亂弱指遞節赴繁音
寶

雁難齊布金星合漫尋相逢且相樂不惜解羅襟

送王履約會試

雨雪關河晚風沙鴻雁來送君將寶劍携手上金臺錦
繡三千牘天人第一才揚雄新賦就聲價重蓬萊

遊焦山

亂流尋梵刹灑酒瀉襟期西北分天塹東南缺地維高
臺平落鷺清磬起潛螭千古基王業來遊有所思

桃花庵與祝希哲諸君同賦

茅茨新卜築山木野花中
燕婢泥銜紫狙公菓獻紅梅
梢三鼓月柳絮一簾風
匡廬與衡岳彷彿夢相通

其二

列座分高下
梧盤集俊賢
五陵通俠逸
四姓號神仙
春月襟期好
秋風卞射聯
遙知文集處
伐木有詩篇

其三

泉源深逶迤
嘉樹亂芳妍
地縮武陵脈
軒開鬱藍天
寄情聊虵蝨
隨手奏觥船
別讓游仙調
臨池促管絃

馬

天上飛龍殿闕西，憤鼻騮承恩披玉甃，弄影浴金沙舞。
獻甘泉酒，驕嗾內苑花，丹青流落處，駑馬尚堪誇。

送行

牢落三盃酒，飄飄一葉舟，行人還遠路，寒色上貂裘。此
日傷離別，還家足唱酬，蕭齋煩掃榻，為我醉眠謀。

題畫

鞋襪東城路，清河四月時，游姬香滿袖，明月水平池。畫

燭留錫市酸風颭酒旗少年行樂地不許衆人知

題谿山疊翠卷

春林通一徑野色此中分鶴跡松陰見泉聲竹裏聞草
青經宿雨山紫帶斜曛采藥知何處柴門掩白雲

詠春江花月夜

麝月重輪三五夜玉人聯槩出靈娥內家近製河汾曲
樂府新諧役鄧歌十里花香通綵殿萬枝燈焰照春波
不關仙客饒芳思晝短歡長奈樂何

登吳王郊臺

昔人築此不論程今日牛羊向上行
吳兒越女齊聲唱菱葉荷花無數生
南山含雨眉俱潤西湖映日掌同平
本由萬感銷非易詎言哀樂過羣情

虎丘汎舟

朱明麗景屬炎州蘭橈桂楫逐娛遊
逐蔭追飈暫容與回波轉藻若夷猶
日承綺扇釵光發山入仙栢酒氣柔
幸奉瑤塵論所願皓首期言伏此丘

遊金山

孤嶼凌增挿水心亂流携酒試登臨
人間道路江南北地上風波世古今
春日客途悲白髮給園兵燹廢黃金
闍黎肯借翻經榻煙雨來聽龍夜吟

焦山

鹿裘高士帝王師井竈猶存舊隱基
日轉露臺明野溆潮隨齋磬韻江湄
天從西北開天塹地向東南缺地維
翹首三山何處所卻看身世使人悲

廬山

匡廬山高幾重山
雨山煙濃復濃
移家未住屏風疊
騎驢來看香爐峯
江上烏帽誰渡水
岩際白衣人采松
古句留崖磨歲月
讀之漫滅為修容

嚴灘

漢皇故人釣魚磯
魚磯猶昔世人非
青松滿山響樵斧
白舸落日曬客衣
眠牛立馬誰家牧
鷓鴣鷓鴣無數飛
嗟余漂泊隨饘粥
渺渺江湖何所歸

觀鰲山四首

禁籞森巖夜沈寥燈山忽見翠岩堯
六鰲並駕神仙府
雙鵲聯成帝子橋星振珠光鋪錦繡
月分金影亂瓊瑤
顧身已自登緱嶺何必秦姬奏洞簫

金吾不禁夜三更寶谷修成月倍明
鳳蹴燈枝開夜殿
龍銜火樹照春城蓮花捧上靈裳舞
松葉纏成熟戲棚
杯進紫霞君正樂萬民齊口唱昇平

仙殿深巖號太霞寶燈高下綴靈祖
沉香連理三珠樹

金史卷之二十三
卷四百九十三
結綵分行四照花水激葛陂龍化杖月明緋嶺鳳隨車
簫韶沸處開宮扇法仗當墀雁隊斜

上元佳節麗仙都內殿歡游愜睿圖壁際金錢銜鸞鷲
水中鍊網出珊瑚鼓將百戲分為埒燈把三山挈入壺
不是承恩參勝賞歌謠安得繼康衢

霜中望月悵然興懷

高天綠色靜沈沈銀月飛光綠霧深來鴻去雁無留影
鳴機急杵動愁心色連太液珠迷海影照扶桑雪作林

不是王生悲異國自緣風物重霜衿

和沈石田落花詩

夕陽芳草笛悠悠春事驚看又轉頭
淅瀝風光搖草樹驂驪時節逐川流
臨階忍數脂千片遶樹空煩繡半鈎
九十繁華校脫手多情又作一番愁

谿水東流日轉西杏花零落草淒迷
山翁既醒依然醉野鳥如歌復似啼
六代寢陵埋國媛五侯車馬鬪家嫖
隣東謝却看花伴陌上無心手共攜

春歸不得駐須臾
花落仍知剩有無
新草漫侵天際綠
衰顏仍改鏡中朱
映門未遇偷香掾
墜溷番成逐臭夫
無限傷心多少淚
朝來枕上眼應枯

蟄燕還巢未定時
山翁散社醉扶兒
紛紛花事成無賴
默默春心怨所私
雙臉胭脂開北地
五更風雨葬西施
匡牀自拂眠青晝
一縷茶煙颺鬢絲

天涯晝溘碧雲橫
春社園林紫燕輕
桃葉參差誰問渡
杏花零落憶題名
日高薜蘿粘壁雨
過鶯啼葉滿城

邀得大堤諸女伴，踏歌何處和盈盈。

節當寒食半陰晴，花與蜉蝣共死生。
白日急隨流水去，青鞋空作踏莎行。
收燈院落雙飛燕，細雨樓臺獨轉鶯。
休向東風訴恩怨，自來春夢不分明。

紅塵拂面望春門，綠草齊腰金谷園。
鶴篆遍書苔滿徑，犬聲遙在月明邨。
春風院院深籠鎖，細雨紛紛欲斷魂。
拾得殘紅忍拋却，阿咸頭上伴銀旛。

春來赫赫去匆匆，刺眼繁華轉眼空。
杏子單衫初脫暖

梨花深院自多風，燒燈坐盡千金夜。
對酒空思一點紅，倘是東君問魚雁。
心情說在雨聲中。

舊酒新啼滿袖痕，憐香惜玉竟難存。
鏡中紅粉春風面，燭下銀屏夜雨軒。
奔月已憑丹換骨，墜樓端把死酬恩。
長洲日暮生芳草，消盡江淹黯黯魂。

滿堂歡笑強相陪，別有愁腸日九回。
時序又驚梁燕乳，年華偏愛隙駒催。
香消衣帶傷腰瘦，夢斷遼陽沒信來。
門掩黃昏花落盡，牛酥且薦掌中杯。

貌嬌命薄兩難全
月暗花殘謝世緣
年老盧姬悲晚嫁
日高黃鳥喚春眠
人生自古稀七十
斗酒何論價十千
痛惜穠纖又遲莫
好燒銀燭覆艸舩

花落花開總屬春
開時休羨落時嗔
好知青草骷髏塚
就是紅樓掩面人
山屐已教休汎蠟
柴車從此不須巾
仙塵拂却同歸盡
墜處何須論厠茵

桃蹊李徑謝春榮
斗酒芳心與夜爭
陌上新陽麴塵暗
墻頭圓月玉盤傾
青帘巷陌無行跡
繡褶腰肢覺瘦生

莫道無情何必爾自緣我輩正鍾情

惻惻悽悽憂自憐花枝零落鬢絲添週遮燕語春三月
蕩漾波紋日半簾病酒不堪朝轉劇聽風且喜晚來恬
綠楊影裏蒼苔上為惜殘紅手自拈

春朝何處默凭闌庭草驚看露已團花并淚絲飛點點
絮飛眼纈望漫漫書當無意開孤憤帶有何心縮合歡
且喜殘叢猶賸在好隨修竹報平安

桃花淨盡杏花空開落年年約畧同自是節臨三月暮

何須人恨五更風撲檐直破簾衣碧上砌如欺地錦紅
拾向研羅方帕裏鴛鴦一對正當中

江南送春

細雨簾櫳復送春倦遊肌骨對愁人一番櫻筍江南節
九十光陰鏡裏塵夜與琴心爭密燭酒和香篆送花神
東君類我皆行客萍水相逢又一巡

與朱彥明諸子同遊寶叔寺

簾輿銜尾試臨汀蘭若從頭遍扣扃晨唄香凝通殿霧

夜漁燈散滿湖星
登高新酒傾鄰白
弔古空山湧帝青
又算一番行樂處
詩成吟與故人聽

西疇圖為王侍御作

鍊冠仙史隱城隅
西近平疇宅一區
準例公田多種秫
不教詩興敗催租
秋成爛煮長腰米
春作先驅兩髻奴
鼓腹年年歌帝力
不須祈穀幸操壺

題畫

湖上仙山隔渺茫
氛塵不上渡頭航
白蘋開處藏漁市

紅葉中間放鹿場落日沈沙曾有影新霜著樹橘生香
遙聞逋老經行處芝草葳蕤滿路傍

題碧藻軒

畫堂基構畫船通碧水漣漪碧藻叢波弄日光翻上棟
窻含煙景直浮空簾垂菡萏花開上魚戲闌干倒影中
試倩詩人畧評品寧妨喚作水晶宮

正德己卯承沈徵德顧翰學置酌禪寺見招猥
鄙杯酒狼藉作此奉謝

陶公一飯期冥報杜老三杯欲托身今日給孤園共醉
古來文學士皆貧就拈律句題行跡更乞侯鯖賜美人
公道吾痴吾道樂要知朋友要情真

春日城西

衣試新裁襪試穿闔閭城外暮春天間書朱墨鄉邨旆
互界青黃菜麥田食祿有方生樂土太平無象是豐年
兆民仰賴君王慶難報惟擎額上拳

散步

吳王城裏柳成畦，齊女門前水拍堤。
賣酒當壚人嫵娜，落花流水路東西。
平頭衣襪和鞵試，弄舌鉤輶繞樹啼。
此是吾生行樂處，若為詩句不留題。

松陵晚泊

晚泊松陵繫短篷，埠頭燈火集船叢。
人行煙靄長橋上，月出蒹葭漫水中。
自古三江稱禹跡，新濤五夜起秋風。
鱸魚味美邗醪賤，放筋金盤不覺空。

言懷二首

田衣稻衲擬終身，彈指流年了四旬。善亦嬾為何況惡，富非所願不憂貧。山房一局金藤着，野店三杯石凍春。只此便為吾事辦，半生落魄太平人。

笑舞狂歌五十年，花中行樂月中眠。漫勞海內傳名字，誰論腰間缺酒錢。詩賦自慚稱作者，衆人多道我神仙。閒時做得工夫處，莫損心頭一寸天。

別劉伯暉

一別光輝二十年中，間消息兩茫然。忽銜救命來英苑。

過訪貧家值暑天
踏上青雲看鷓舉
杯臨紅燭語蟬連
料知別後應相念
書贈江東日暮煙

雨中小集即事

煙簑風笠走輿臺
邀取羣公赴社來
蕉葉共聽窻下雨
蟹螯分弄手中杯
能容緩步留夫子
戲謔長眉老辯才
酒散不妨無月色
夾堤燈火棹船回

漫興

十載鉛華夢一場
都將心事付滄浪
內圍歌舞黃金盡

南國飄零白髮長，髀裏肉生悲老大。斗間星暗誤文章，
不才剩得腰堪把。病對緋桃簡藥方。

驅馳南北菴頭塵，襤褸衣衫墊角巾。萬點落花俱是恨，
滿杯明月即忘貧。香燈不起維摩病，櫻笋難消穀雨春。
鏡裏自看成一笑，浮生傀儡局中人。

春日寫懷

新春踪跡轉飄蓬，春在鶯花野寺中。昨日醉連今日醉，
千燈風接一燈風。苦拈險韻邀僧和，煖簇薰籠與妓烘。

寄問社中諸契友心情可與我相同

春江花月夜

嘉樹鬱婆娑燈花月色和春江流粉氣夜水濕裙羅

其二

夜霧沉花樹春江溢月輪歡來意不持樂極詞難陳

美人蕉

大葉偏鳴雨芳心又展風愛他新綠好上我小庭中

題畫

落日山逾碧孤亭景自幽
蒼江寒更急客興自中流

馬

草軟沙平桃李開春光先到李陵臺
雪中一陣烏鴉起知是胡雛打獵來

題芭蕉仕女

獸額朱扉小院深綠窻含霧靜
惜惜有人獨對芭蕉坐因為春愁不放心

題畫

青藜拄杖尋詩處
多在平橋綠樹中
紅葉沒鞵人不到
野棠花落一谿風

長夏山邨詩興幽
趣涼多在碧泉頭
松陰滿地凝空翠
肯逐朱門襪襪流

獨木橋邊倚樹根
古藤陰裏嘯王孫
白雲紅樹知多少
雞犬人家自一邨

綠陰清晝白猿啼
三峽橋邊路欲迷
賴得泉聲引歸路
幾回嗚咽認高低

金少卿八十二
卷四百九十三
端陽競渡楚江湄
紉袴分曹唱健詞
畫檝萬枝飛鷁送
珠簾十二映娥眉

雪壓江邨陣作寒
園林俱是玉花攢
急須沽酒澆清凍
亦有疎梅喚客看

鯉魚風急繫輕舟
兩岸寒山宿雨收
一抹斜陽歸雁盡
白蘋紅蓼野塘秋

空山春盡落花深
雨過林陰綠玉新
自汲山泉烹鳳餅
坐臨谿閣待幽人

草苫書齋石壘塘闌干委曲遶溪傍方牀石枕眠清晝
荷葉荷花互送香

送陳憲章

僧房酌酒送君行把臂西風無限情此際若為銷別恨
兩行紅粉嚙春鶯

玉芝為王麗人作

玉芝仙子住瑤池池上多栽五色芝
壽作千年合歡藥
客沾風味盡相思

風雨淹旬厨煙不繼滌硯吮毫蕭條若僧因成

絕句

荒邛風雨雜鳴雞燎金朝厨愧老妻謀寫一枝新竹賣
市中笋價賤如泥



石倉歷代詩選卷四百九十三

欽定四庫全書

集部

石倉歷代詩選卷四百九十四

詳校官石中允臣薩敏

侍讀臣孫球覆勘

總校官進士臣朱 鈐

校對官編修臣秦 泉

謄錄監生臣李世麟

欽定四庫全書

石倉歷代詩選卷四十四

明 曹學佺 編

明詩次集一百二十八

文徵明

秋夜

忽忽故園夢悠悠
滌上城一夜耳不息
水邊疎柳聲開
門月如晝千里秋
盈盈中心亂無執
散上岡頭行吳山

望不際眼角柔雲生男兒志遺世物故難為情

有懷劉協中

東風度幽館羣鳥相和鳴念子會無期茫然過清明春
江芳草遠懷懷心目驚如何多朋友我獨傍山城豈無
樽酒歡亦有花木榮所憐異鄉物徒念心怔營白雲度
水去日暮山縱橫倚闌詠修竹千里何當并

故園

屋舍小山村終然思故園雨晴秋倚闥月出夜開門好

景亦時改遠人空目存梅花未消息行矣晚何言

不寐

孤坐忽不樂挑燈當我前素書橫几案欲讀已茫然當年念有負誓志軼前賢富貴亦何物未老已自憐嗟哉昔惡聞零落今同焉

大雪不出偶成八韻自齋中所見外皆禁不犯
靜坐朝慵出不知風雪臨凝暉上窻紙積冷到衣衿小
片投墻隙餘威結研心聆音琤可喜想像浩難禁童子

傳來看家人報說深卷書空自照杯酒不辭斟意賞何
煩對傳聞不害吟未應閉戶卧不及放舟尋

飲子畏小樓

今日解馳逐投閒傍高廬君家在舉橋誼闡井市區何
以掩市聲充樓古今書左陳四五冊右傾三兩壺我飲
良有限伴子聊相娛與子故深密奔忙坐闕疎旬月一
會面意勤情有餘蒼煙薄城首振袖復躊躇

寂夜一首效子建

中宵聞零雨撫枕起誰依
昏缸栖素壁流燄照重幃
感此寂無語戚然興我思
我思何鬱伊欲舉棼如絲
少壯不待老功名須及時
男兒不伏劍亦須建雲旗
三十尚隨人奚以操筆為
文章可腴道曾不療寒饑
仰屋愧浮塵俯昧影依依
人生良有命何獨令心悲
心悲髮為白失脚令身危
欲為絕世行道遠恐不支
世情忌簡飭斂目俟其疲
誰能七尺身受此千變機
役役亦徒爾多憂得無癡
惟應慎厥躬古人以為期

秋夜懷昌國

初秋雨時霽夕景斂炎疴躡屐遵廣除矯首睇明河白
露浣衣帶商飈振庭柯縞月升雲闕照我東墻阿故人
不得將良夜空婆婆非無一樽酒顧影當奈何

九月二十八夜夢中作

碧桐已蕭蕭冰谷流泱泱獨行蒼莽間犬吠人跡絕旭
日穿樹林青煙忽消滅時看殿岩風吹落松上雪

陳氏池亭納涼

朱雲釁天漢金烏朗炎曦方夏苦埃鬱言遵芳圃嬉息

鞅俛南榭褰裳蔭北池微涼度鮮飈淺碧漾寒漪短藻
翻鱗鬣閒渚集鳧鷖流日落翔泳遊心寓篇詞願言領
幽意况復酬心知坐撫景光寂還憐車馬稀消搖極瞻
諷日晝不知疲疇能均涼燠無為居所移

齋前小山穢翳久矣家兄召工治之剪薙一新
覺秀爽晚晴獨坐誦王臨川掃石出古色洗
松納空光句因以為韻

小山蔓蒼蘿經時失青翠秋風忽披屏姿態還秀出層

金少曰凡公三言
卷四百九十四
峯上崇垣徘徊見西日

寒日滿空庭端房戶初啟怪石吁可拜修梧淨於洗幽
賞孰知音擬喚南宮米

堦前一弓地疎翠影藜藜有時微風發一洗塵慮空會
心非在遠悠然水竹中

春興

妍英弄芳意柳色含春姿物華浩無涯點蕩東風吹東
風日以熙草色日以滋青春萬里道遊子有所思浮雲

漏白日宿露朝已晞攀條惜婉麗忽得瑛瓊枝芳悰未
有托暮景已西馳菁華難復恃結鷓聊自怡

歲暮雪晴山齋肆目偶閱謝皋羽詩窮冬疑有
雨一雪却成晴喜其精妙因衍為韻

歲晏羣芳息枯條鳴北風層陰結黯靄朔雪飛長空玄
冥肅景象物化歸終窮妍華肇伊始冉冉收春功
積雪縞晴晝離離見高松暎茲歲寒枝不復知春冬旭
光時明滅奄忽浮雲蹤塵心不能載歲晏徒忡忡

殘雪不蔽瓦，斷溜收寒聲。晨威淒以嚴，雲日麗新晴。凌風振叢薄，枯卉不復榮。年光屬歸歛，慘淡有餘清。

三月既望，同吳次明、蔡九遠、陳道復、湯子重、王履約履仁泛舟石湖，遂登治平，以天朗氣清，惠風和暢，為韻分得朗字。

良期每多違，佳節悵虛往。薄言城西游，餘春遲幽賞。日色漾漣漪，天光發融朗。清吹飄文裾，瑤湍激蘭漿。寄懷涉清川，平日眺遐壤。晴霏動遙岑，清煙散收菴。亞竹孤

卉明隔水春禽響及此單袂成聊寄臨流想

同履仁濯足劍池

舍舟即巖崎探策入窈窕窮崖壁蒼鐵直下千尋表絕
磴懸飛梁仰首心欲悼陰壑多長風六月更幽悄秋聲
落井幹翠雨滴深篠與君富閒懷竟日恣幽討都將雙
足塵濯向千年沼

早起露坐

炎宵不能寐起坐寒絺幘繁星麗中天明河連曙暉涼

金少山八二言
卷四百九十四
風不滿鬢落月猶在衣中庭草木稠宿露朝未晞人生
亦日暮急景無停機撫時懷美人欲往情依依暑寒互
推遷安得願無違

秋日同杜允勝湯子重遊東禪次韻

人事無停機曦暉正流耀及茲東城遊駕言謝紛要杪
秋霽景澄寒原入高眺靜躁本無媒憂欣人自召靡靡
霜臨明厯厯幽禽調獨行心已怡况也偕二妙投社慙
淵明能詩得清照燕談析玄旨悲吟發孤竅一語何足

稽後期真未料微風西北來冷然雜清嘯

次韻答子重東城見懷之作

愁雲薄層漢北雁鳴羈棲天寒霜雪繁
葉被長隄遠洲宿修莽曲路紛留萋
南牕夢佳人覺來隔山谿幽期不得將
日暮聞莎雞秋風日已至蘭舟一何稽
憂思無能解起行涉荒畦獨言疇與
晤樽酒為誰攜終然無所適歸來對
青藜素書自何來展讀情更悽人生
貴協志何用悲秦齊結交不從中對
面分雲泥

甲戌歲朝明日立春東坡元日詩有土牛明日
莫辭春句因以為韻

三元肇茲辰東風被衡宇青春麗雲日朱光已垂戶
駸陰不窮寒朝和散為雨死草行復菲潛陽滋下土

昨日北風厲長河水膠舟今日暢柔和好鳥鳴高丘芳
春肇伊始寒氣畢泥牛誰為頌椒花引酒聊自酬

青陽逐寒迴今日已非昨辛盤忽在眼引酒聊自酌古
人惜端良今我胡不樂啟扉得嘉賓相對慰寂寞

梅花忽已動歲時行亦新
傾城出行樂誰念端居人
端居豈不好負此芳樹春
昨歲花前客今為樹下塵

新晴

積雨浮宿潤新晴人意適
消搖竹牕中啼禽破幽寂
初陽動簷瓦殘溜時自滴
曲巷行跡稀苔花繡深壁

簡履仁

端居苦長夏思我平生友
獨坐聞車音開軒竟何有
空庭飛鳥雀閒門蔭榆柳
白雲團午陰悠然落虛牖
對此

情更怡無能共樽酒西郭隱層樓下臨清江口積雨江
流深南風藕花秀相望不可即長吟一搔首

月夜葛氏墓飲酒與子重履仁同賦

明月照行路青松起悲風涼秋饒霜露草木行已空顧
影不自得起行荒寂中道逢雙石闕知為古幽宮古人
不可見豐碑自穹窿上題生前爵下表沒世功率勒名
世圖歲久已塵蒙剔蘚三過讀漫滅不可終人生本柔
脆所恃身後公金石且復爾浮雲安足崇

履仁獨留治平寒食有懷

遙遙治平寺乃在楞伽麓之子神情秀空山裏雲宿月
冷石林清孤眠豈能熟還持一束書起傍梅花讀燈昏
夜叅半饑鼠鳴古屋淒風西北來吹墮簷間木感此霜
露繁坐覺芳華促少壯曾幾時歲月在空谷念子隔重
城何能慰幽獨

立春遲道復不至

東風吹綵燕曉色動簾旌遲子不時至南樓春自生裁

詩供帖子閣酒聽啼鴛白日留雲暖梅花初雪晴閒牕
落香燼殘火宿茶鐺敗葉鳴塔圮分明識履聲

明妃曲

漢廷議和親佳人使絕域明妃隨例行祇謂掖廷職一
朝臨遣動天子始信深宮未曾識當日丹青亦等閒今
知不得黃金力正緣平日懷貞素非敢從前恃顏色由
來顏色不自知愛惜自是君王私君王顧妾恩何厚竟
按臣工戮延壽佳人自有命畫工何能為長信宮中長

別離當時豈亦有人欺悠悠青塚胡沙裏千載終為漢
家死紅顏命薄古云然不恨臣工况天子

雪夜宿楞伽寺

天寒萬木僵月出四山靜積雪編清夜幽崖自輝映上
方衣裘單俯視寒芒正長風掃纖雲平湖鏡天淨倒影
落僧牕橫飛濕銀鏡微瀾玉塔搖秀色千巖競俄然萬
象沈坐覺羣翳屏一鳥不復飛光華久逾盛吟懷共朗
徹禪心寄枯勁祇覺塵界卑忘身在高巖半空擊瑤簪

冷然發孤詠萬里吾目中悠悠一漁艇

道出淮泗舟中閱高常侍集有自淇涉黃河詩

曰次其韻

伊昔東山賢悠然眷遲暮常恐兕輩覺悽其損歡趣富
貴草露晞動獸春雷驚云胡不暫息馳身傍荒戍潮水
絕彭門揚帆凌北固何必非故鄉區中本形寓况此遊
目餘平生賞心處清川渺無窮青山不知數客夢落遙
天浮雲更盤互

其二

朝出亂帆前暮落千山後十日沂春流未離清濟口憶
初辭里門不謂行當久方舟得舊知春風共尊酒

其三

冉冉春雲度依依楊柳津渺渺長風沙惻惻遠遊人黃
金銷欲盡白髮日夜新昨日夢故鄉覺來濟水濱濟水
千里馳去去隨漂淪寧免顏色改長歧吹暗塵

泊魯橋次九遠韻

落帆魯橋口意行還自阻嘗聞魯獲麟西狩此其所去
魯今千年秋風幾離黍扁舟春已深遊子歌白苧垂蔭
滿芳洲清湍激迴渚落日下西臯蒼然見平楚歸鳥飛
已稀野寺鐘初杵不知水堰開夜聽舟人語嗟余老無
成白髮事行旅明發不得休晨殮帶沙煮

再次宿任城韻

北風吹古堰長河捲沙白昔聞謫仙人曾作任城客任
城非故樓勝事今尚籍想見天人姿春風岸鳥憤落日

伴長庚何處尋醉魄我行後千年空見徂徠碧長笛起
隣舟夜靜聲裂石不見賀知章悲歌向中夕

無錫道中遇雪夜泊望亭

北風吹朔雪飛靈糝零雨孤舟暮不前收帆得沙渚天
垂野陰合日暝江雲沍川原入蕭條林木積縞素寒厖
噤不鳴饑鳥驚還聚舉酒不成懽挑燈時自語飄泊豈
在遠出門即羈旅

送盧師陳奉使紫荆關

季冬繁霜雪塞草寒不菲之子遵朔方駕言即長歧揚
於灞水北促轡漁陽西豈不念修阻王程有嚴期丈夫
既策名委身事馳驅諮諏重將指辛苦焉得辭况君志
遠遊夙昔攻文詞上谷古雄鎮幽并勢威夷於焉寄慷
慨亦足宣遐思豈若抱槩人終年守金閨鳴珂紫雲闕
端簡白玉墀通籍豈不佳旅進曾何裨古賢榮有事去
子行無稽念惟羈愁中復此相仳離長風西北來吹我
雙鬢絲高歌激清商願倒風前卮

人日王氏東園小集

晴飈汎叢條浮陽散修葺良時及初正涉七氣已爽厥
日肇惟人探占喜融朗駕言求友生名園欣獨往折蔬
充朱豆扶藜企高壤陟彼墻下岡寄此天際想被草晨
風和隔竹春禽響

夏夜

煩熇厭修晷延緣遲清宵落景不斂暑餘火夕自驕陳
牀弗能寐起坐蔭繁條珍簟無涼思瑤紈有溫飈安得

凌風翻萬里隨飄搖銀蟾麗皎皎雲暮捲寥寥仰睇河
漢流無能挽天瓢似聞隴畝歡夏暎敷良苗既洽三農
利奚辭一身焦所念肌骨柔不任寒暑銷功業未有會
已復朱顏凋

題忙間圖

驅車遵長坂迴馬絕飛梁塵頭高十丈有客行趨踣白
雲帶松嶠仰睇鬱以蒼中有遺世人下笑流塵黃黃塵
與白雲曾不隔流水心情一以殊相去各萬里

行色

秋山馬前空復橫馬蹄不作看山行悠然回首何處所
先心已到他州城火燈匆匆雞一聲貴賤富貧俱有程
相看一語出不得細雨欲落空江明

余畫金焦落照圖吳水部德徵先生寄詩二首

題謝長句

憶昨浮船下揚子平翻渺渺波千里何來雙島挾飛樓
璀璨彤煌截濤起夕峯倒影滿江陰霜樹高浮半空紫

舟人指點落日處凌亂煙光射金綺平生快覩無此奇
却恨歸帆北風駛至今偉蹟在胸中回首登臨心不已
偶然興落尺紙間便欲平吞大江水固知心手不相能
塗抹聊當卧遊爾晴窻舒卷日數回不敢示人聊自喜
水部先生詩有名忽寄瑤篇重稱美漫云家法自湖州
自媿區區何足齒由來品題係名聲何況先生是詩史
君不見當年畫馬曹將軍附名少陵猶不死又不見閻
公自謂起文儒池上俄蒙畫師恥人生固有幸不幸拙

劣何堪古人擬江山千古等陳迹一笑寧須論非是

次韻題子畏所畫黃茆小景

斜日翻波山倒浸晚晴幻出西南勝絕島雙螺樹色浮
遙天一線鷗飛剩誰剪吳淞尺紙間唐君胸有洞庭山
古藤危磴黃茆渚細草荒宮消夏灣我生無緣空夢墮
三十年來蟻旋磨睡起窻前展畫看恍然垂手磯頭坐
湖山宜雨亦宜晴春色籠葱秋月明知君作畫不是畫
分明詩境但無聲

春曉曲

翠塵沃日煙霏霏彤光飛上千果恩誰家高樓鎖春色
金鋪約戶蟠雙螭東風掠幌鸞綃動瑤鳴蘭溫睡初重
起來臨鏡悄無言含情自理雙鸞夢夢回生怕守宮殘
捲袖移鞦獨自看燕子銜春欲飛去海棠猶自勒輕寒
簾幕垂寒朝不捲綺疏結香春較淺欲裁羅段作春衫
自執薰鑪熨金剪

春夜曲

香雲貫月溶金波碧煙暮樹春婆娑
女海珠泣紅花露重
蜃脂流絳蘭透迤越羅覆幕交流
蘓繡襦結帶明青蛾
金壺轉刻銅龍濕漏水滅滅
輓轆沈沈軋銀井
畫轂難添夜愁永起看青漢
不成眠不見雙星見河影
河明月淡斗橫斜通宵春思
匝天涯眉端心事說不得
自調新譜按琵琶

題畫

千巖拔地排青蒼古松櫻櫻連重岡
岡迴嶺復得奇絕

瀑流千丈垂銀潢，盤盤細路入雲長。
兩涯對起懸飛梁，雲重路僻不知處。
應有仙家在深塢，夕陽變滅晚山寒。
無限風煙屬倚闌。

題虢國夫人夜遊圖

紫塵拂轡春融融，參差飛鞚騎如龍。
錦鞭繡帶簇妖麗，絳紗玳燭圍香風。
春風交花光屬路，後騎雍容前却顧。
中間一騎來逡巡，秀眉玉頰真天人。
翠微垂鬢板稱身，彷彿當年號與秦。
佳人絕代真難得，安得君王不為惑。

豈知尤物禍之階不獨傾城竟傾國一時喪亂已足憐
後世方誇好顏色晴牕展卷漫多情百年青史自分明
莫言畫史都無意尺素還堪鑒興廢

蘭房曲戲贈王履吉效李賀

彤雲旖旎霏祥光蘭椒沃壁合瓊芳流蘓嫋嫋開洞房
晚波繡燭搖鴛鴦鴛鴦雙飛情宛轉紫帶垂螭覺螭緩
綠膏照粉玉缸斜瑤鴨融春翠雲暖海綃落枕夜何如
美人笑擲雙明珠巫雲月斂金釵溜不恨巫雲恨花漏

次韻履仁春江即事

二月江南黃鳥鳴，春江千里綠波平。
朱甍碧瓦參差去，水荇蘭苕次第生。
風外鞦韆何處笑，日斜鐘鼓隔花晴。
洞庭煙靄孤舟遠，茂苑芳菲萬井明。
唱斷竹枝空復恨，流連芳草不勝情。
何時載酒橫塘去，共聽吳娃打棹聲。

五月十三夜與子重履約履仁石湖行春橋看月

夕光沈山蒼靄橫，行春橋東江月生。
長風吹波天鏡濶，白沙渺渺菰蒲聲。
微瀾壓玉搖空明，扁舟忽動江湖情。

曾頭魚鰕夜可買得酒試與諸君傾山空夜久人竟醉
高歌互答漁舟驚初疑天上來忽棹滄溟去似聞漁歌
縹緲不斷出煙蘿水遠天長不知處一髮青山落鏡中
萬里橫河碧空曙人生行樂不易得賞心況有樽前客
江山如畫酒如澠相看不飲空頭白不見橋東千尺臺
吳王曾此夜銜杯歡燕不堪芳漏促西施舞罷越兵來
越兵已成功越王安在哉鴟夷竟去不復回吳宮越壘
空復生蒼苔千古興亡總湮滅只有湖山未消歇吳王

去今能幾時幾人能醉湖中月

追和楊鐵厓石湖花遊曲

石湖雨歇山空濛美人却扇歌回風歌聲宛轉菱花裏
鴛鴦飛來天拍水當時仙伯醉雲門酒痕翻污石榴裙
遺踪無復芳塵步湖上空餘昔人墓昔人既去今人來
千載風流付一杯雪藕紫絲薦冰碗蛟蝶飛來逐歌板
夕陽剛在畫橋西一段春光屬品題傷心不見催花使
只有黃鸝啼再四無限春愁誰與覓玉奴會唱紫霞篇

採蓮圖

橫塘西頭春水生
荷花落日照人明
花深葉暗不辨人
有時葉底聞歌聲
歌聲宛轉誰家女
自把雙橈擊蘭渚
不愁擊渚濺紅裳
水中驚起雙鴛鴦

採桑圖

茜裙青袂誰家女
結伴墻東採桑去
採桑日暮怕歸遲
室中箔寒蠶苦饑
只愁墻下桑葉稀
不知墻頭花亂飛
一春辛苦只自知
百年能著幾羅衣

追和王叔明溪南醉歸詩

荆南山前花滿溪山空獨有春風知春風幾度吹花落
溪上花飛春亦歸溪女歌殘桃葉渡相思幾綠江南樹
思君欲濟川無梁千片桃花溪路長春風桃李秋空月
人生易得頭如雪萬里才看北雁來一樽又與東風別
對酒當歌秋月明摘花釀酒春杯冽溪翁不見草堂閒
無限春光付啼鴉

盛斯顯南京司

薊門秋風天早寒
潞河生波楊柳殘
沙塵吹衣日色薄
仙郎九月辭長安
潞河東下浮官舸
去去心馳大江左
人情往往計南北
委順知君無不可
憶我前年入國門
連珂接珮多鄉人
豈無同朝歡不及
仝鄉美蕭條逆旅
中吳音更堪喜
宦轍羈人不得齊
一朝散去各東西
向來坐客日以減
子行更使吾悽惋
何如重為交游惜
再世通家非一日
况也葭莩忝姻戚
人生得意無南北
我漫惜君君自適
建業江山天下奇
聖皇昔此開鴻基
穹

宮傑構比豐鎬列職分曹同保釐百年形勝真雄壯奕
葉名家更清暢畫省雍容如列仙簿書蕭散清而閒坐
曹讀書百不闕有時騎馬看鐘山

題畫

溪雲冥冥溪雨急長空倒垂溪水立凌亂春潮萬壑搖
低迷暮靄千林濕余生雅有滄洲適曾擁孤篷聽蕭瑟
夢斷紅塵二十年江湖獨往興依然偶拈秃筆掃束絹
便覺吳松落并剪金君家住雲水鄉朝煙暮雨對林堂

若為老去厭真蹟，翻愛狂夫灑狂墨。就中妙解誰應識，
萬里雲煙開素壁。

東葛城夜發

蕭蕭東葛路，馬上聽嚴更。日落高山暝，天空遠水明。
明年光秋漸，索客子夜猶行。村落知何處，時聞犬吠聲。

暮春齋居即事

經旬寡人事，蹤跡小窻前。暝色連殘雨，春寒宿野煙。
茗杯眠起味，書卷靜中緣。零落梅花瘦，風吹更可憐。

閒庭青草積春牛，思蒼茫，小雨作寒食。微風汎海棠芳，
情經病減，白日廢書長。何物供歌枕，縈簾一炷香。

春日閒詠

時節燒燈近，羈窮獨臥家。餘寒春挾纒，殘興晚煎茶。土
潤先滋草，梅晴薄試花。新年眠食好，隨分足生涯。

對雨

獨吟池上雨，拍拍水平堤。暝色千峯合，涼聲萬葉齊。翠
承深竹重，寒壓晚簷低。怪得經過斷街頭，一尺泥。

獨坐

獨坐茆簷靜澄懷道味長年光付書卷幽事續鑪香日出山鳥樂雨收花竹涼蕭閒習成懶不是寡迎將

夜坐

溽暑夜不寐涼風初解圍起看星漢動坐久語音稀殘月耿猶在流螢忽自飛一聲何處鶴露下欲沾衣

不寐

展枕不得寐沉沉玉漏淹一燈寒照壁半夜雨鳴簷有

味留負在多愁與病兼
鬢邊新白髮應為小詩添

新寒

木落見清真
端居物自春
牕虛蠅擊紙
院靜鳥窺人
白
日經簷短
青衫卒歲貧
新寒滿城郭
欲出畏風塵

過孫文貴不在對庭中新竹

一室才容膝
居然不受埃
恍如城郭外
時有野人來
簷
綠搖新竹
堦紋蝕古苔
未妨酬對寡
撫景自徘徊

東禪寺

古寺謝車馬清臨綠玉灣
雙禽啼竹逕獨犬護松關
落葉秋滿地夕陽僧自閒
偶來還自去回首碧雲間

石湖作

落日淡煙消平湖碧玉搖
秋生茶磨與人在越城橋
樹色晴洲斷鐘聲古寺遙
西風吹短鬢還上木蘭橈

寒夜

茆屋寒初重無眠對燭光
疎砧何處月殘葉滿庭霜
攬物驚時改供愁有夜長
空餘強學志撫卷視茫茫

張明遠索畫久而未成歲暮陰寒雪霰將集

齋居無聊為寫溪山欲雪圖并賦短句

歲暮天欲雪郊原風色饒
山寒增突兀樹暝入蕭條
野水照茅屋歸人爭斷橋
窗前有新句欲覓已寥寥

承天寺中隱堂

古徑無車馬閒門帶薔蘿
秋風吹宿雨日暮盼庭柯
世味逢僧盡新涼入寺多
居山未有計此地數來過

雨中雜述

春歸楊柳暗四月雨垂垂紅洗花無迹青沾草已滋倚
樓迷曉望出郭滯幽期客去茶甌歇閒愁總上眉

凝情不自得看雨獨登樓綠樹千門晚涼雲五月秋暗
梁樓濕燕高壁上蝸牛有待新波長南湖弄小舟

南樓

西山開晚霽返照落窻中歲事收殘雪生涯入斷鴻寒
多裘失重愁劇酒無功零落雙桐樹蕭蕭不受風

新年

擾擾復闐闐雞聲妨晏眠
江城收宿雨衰髮受新年
寒盡梅花後春生草閣前
郊原芳草近早問石湖船

虎丘千頃雲閣

閣外雲千頃風前首重搔
倚闌雙鳥下落日亂山高
積水連橫浦疎松帶遠皋
冷然發清嘯吾意欲凌霄

賦餅梅

斷枝黏碧蘚殘葉疊冰紉
未乏溪山韻尤宜几格看
移燈傳壁影垂箔護春寒
應斷西湖夢東風在席端

雨宿武城追和先溫州夜宿武城

經過言偃邑非復昔時城里俗無從問絃歌空有名江
湖孤雁斷風雨亂雞鳴酒醒青燈暗春寒一夜生

野行因過廢寺

久客念搖落意行還寂寥餘寒棲短褐斜日帶荒寮歲
事行將盡羈魂黯欲銷雲房才咫尺便覺遠塵囂

對酒

晚得酒中趣三杯時暢然難忘是花下何物勝樽前世

事有千變人生無百年還應騎馬客輸我北窗眠

四月

風雨將春至清和四月天
桐陰搖白日草色散青煙
興寄琴樽外筋骸杖履前
若為消晝永窻下有殘篇

簡子畏

落魄迂疎不事家
郎君性氣屬豪華
高樓大叫秋觴月
深幄微酣夜苑花
坐令端人疑阮籍
未宜丈士目劉叉
只應郡郭聲名在
門外時停長者車

暮春

高榆風定翠相圍
天氣悠揚思轉微
畫閣凝香新試扇
春肌生汗欲更衣
乍聞幽鳥渾無見
時墮游絲忽漫飛
惆悵東園尋曉夢
落花芳草已都非

靈巖山絕頂望太湖

靈巖山正當胥口
落日西南望太湖
雙島如螺浮欲出
片帆和鳥去俱無
閒論往事何能說
不見高人試一呼
慎勿近前波浪恐
大都竒絕在模糊

讀于肅愍旌功錄有感

南遷議起共倉皇一疏支傾萬考強既以安危繫天下
曾無羽翼悟君王莫嫌久假非真有祇覺中興未耿光
淺薄晚生何敢異百年公論自難忘

冬夜讀書

故書不厭百回讀病後惟應此味長千古精神如對越
一燈風雨正相忘卷中求道深知謬意外圖名抑又荒
束髮心情誰會得中宵撫几自茫茫

秋夜不寐有懷錢二孔周

客散西堂夜悄然，脩筠涼吹供清眠。
疎螢紈扇秋無賴，淺水紅葉月可憐。
侍女銀杯搖雪乳，誰家玉笛唱嬋娟。
意中憶得城東闕，孤鶴翩翩骨有仙。

詠文信國事

南北間關百戰餘，此身宗社許馳驅。
可憐功業孤魂在，自決存亡大義俱。
夷狄至愚猶歎服，皇天無意竟何如。
平生心事堪誰訴，漫托他年半紙書。

匡山大忠祠

頻年航海欲何為
天厭中原遂不支
滿地江湖無死所
際天風浪有平時
倉皇一念聊臣分
寂寞中流賴史知
回首又看強敵滅
寒潮自繞大忠祠

雪後

寒日晶晶曉溜聲
中庭快雪一宵晴
墻西老樹太骨立
窻裏幽人殊眼明
想見漁蓑無限好
怪來詩思不勝清
江南殘臘相將盡
會看門前春水生

夜坐聞雨有懷子畏次韻奉簡

臯橋西畔唐居士一榻秋風擁病眠
用世已銷橫槩氣謀身未辦買山錢
鏡中顧影鬢空舞榭下長鳴驥自憐
正是憶君無奈冷蕭然寒雨落窗前

歲暮齋居即事

簷樹扶疎帶亂鴉蕭然只似野人家
紙窻獵獵風生竹土盎浮浮火宿茶
日色射雲時弄彩雨絲吹雪不成花
庭中卉物凋零盡獨有蒼松領歲華

太湖

沙渚依依雲不動，風煙漠漠鳥飛回。
橫空暝色翻波去，絕島秋聲繞樹來。
今古奔騰疑地盡，東南偉麗自天開。
眼中浩蕩扁舟在，欲喚鷓鴣盃一杯。

游能仁彌勒

鬱然臺殿鎖芙蓉，見客山僧自打鐘。
小檻浮空秋水閣，虛庭隨影夕陽松。
泗州名在池無塔，飯石師歸寺有峯。
欲掃南牆留半偈，白雲回首媿塵蹤。

翠峯寺

空翠夾輿松十里斷碑橫路寺千年遺蹤見說降龍井
裏茗來嘗悟道泉伏臘滿山收橘柚蒲團倚戶泊雲煙
書生分願無過此悔不曾參雪竇禪

登縹緲峯

雜草遙遵鹿兔蹤飛嵐拂袖映疎松平湖萬里玻璃色
落日千尋縹緲峯煙樹吳都晴上掌秋風雲夢晚填胸
無煩咋指頻傷歎儘有閒情在短筇

經桃花塢

夕陽下馬桃花塢不見桃花塢亦蒼溪壑春風空舊夢
柴扉流水或秦人圖經可按桑田異詩客多情燕麥新
不用苦辛仍買種梁園金谷總成塵

左神洞

裹糧懷炬探幽玄稍即哈呀復曠然
蕩瀟微聞頭上浪
光晶別有地中天千年何物尙丹刻
一勺憐君負紫泉
莫獻虛酬十年願祇應凡骨未能仙

遊資慶寺

老衲深居湖上山松扉斜掩磬聲寒
袈裟對客妨秋定蔬筍開厨破晚餐
未媿逡巡留偈子自緣疎野戀蒲團
歸來煙月篇章富乞與幽人得細看

和答石田先生落花

零落佳人意暗傷為誰憔悴減容光
將飛更舞迎風面已褪猶媽洗雨粧
芳草一年空路陌綠陰明日自池塘
名園酒散春何處惟有歸來屐齒香

人日停雲館小集

新年便覺景光遲，猶有餘寒宿敞帷。
寂寞一杯人日雨，風流千載草堂詩。
花枝未動臨佳節，菜飯相淹亦勝期。
春色到今深幾許，小山南畔草痕知。

三月廿二日家兄解事還家夜話有感

虛堂漠漠夜將分，黯黯深愁細語真。
零落尚憐門戶在，艱難誰似弟兄親。
掃牀重聽燈前雨，把酒驚看夢裏人。
從此水邊松下去，但求無事不妨貧。

謝永嘉趙君澤寄蘭

草堂安得有琳瑯
傍案荷蘭葉光千里
故人勞解珮
一窻幽意自生香
夢回涼月甌江遠
思入秋風楚畹長
漸久不聞餘冽在
始知身境兩相忘

金陵詠懷

鍾山日上紫煙收
金闕參差萬瓦流
帝業千年浮王氣
都城百雉隱高秋
聲華誰覓烏衣巷
形勝空吟白鷺洲
回首壯遊心未已
西風策馬看吳鉤

十月

塵凝四壁漠然空
五月江南見朔風
細雨挾寒催木葉
弱雲將暝暗房櫺
壯心迂拙懷時事
病骨蕭條感歲功
忍死不妨留筆硯
儘堪相慰寂寥中

詩人孫太初過訪

把劍南來賦遠遊
又看東上浙江舟
山齋動是經年別
菜飯聊堪半日留
醉畏江湖真有味
春來花鳥正關愁
天台雁宕平生夢
憑仗詩囊次第收

與宜興吳祖貽夜話有作就簡李宗淵杭道鄉

吳克學

有客扁舟自陽羨夜堂風雨對高眠不辭談笑成佳會
祇覺淹留有宿緣別後交遊如夢裡意中山水落樽前
青燈酒醒還生戀明日煙波更渺然

九日泛石湖

煙斂吳山翠擁螺重陽晴暖似春和閒情已付清油舫
斜日輕搖綠玉波橋外連錢遊騎屬水邊紈扇麗人過

金八八二
卷四百九十四
黃花何處酬佳節白鳥滄洲引興多

同次明九遠及王氏兄弟泛舟遊橫山

蘭橈十里下橫塘漠漠風撩鬢影涼野水秋來寒玉淨
碧山西去暮雲長行邊黃偃禾栖畝眼底紅酣樹飽霜
飛盡落霞新月上空江渺渺白蘋香

題國用汗漫游卷

江湖蹤跡自年年去住隨緣興浩然三月鶯花燕市酒
一牀書畫米家船留連勝事登山屐狼藉春風買笑錢

回首馬遷今不作為君重賦遠遊篇

虎丘劍池相傳深不可測舊志載秦皇發闔閭墓
鑿山求劍鑿處遂成深澗王禹偁作劍池銘嘗
辨之正德辛未冬水涸池空得石闕中空不知
際余往觀之賦詩貽同遊者和而傳焉

吳王埋玉幾千年水落池空見墓碑地下誰曾求寶劍
眼中吾已見桑田金鳧寂寞隨塵劫石闕分明有洞天
安得元之論往事滿山寒日散蒼煙

九達期人日會城中既而不至作詩見懷奉答
人日故人偏入望洞庭煙水隔蒼蒼不教縷葉傳纖手
空復題詩寄草堂老鬢金花誰鬪勝古梅殘雪自吹香
尋常佳節多惆悵何況差池負酒觴

上巳日獨行溪上有懷九達

郭外青煙柳帶柔洞庭西去水悠悠故人不見沙棠楫
燕子齊飛杜若洲日落晚風吹宿酒天寒江草喚新愁
佳期寂寞春如許辜負山花插滿頭

寒食自橫金歸泛石湖

澤國春深露雨收
越城橋畔水爭流
斷煙西去浮蒼嶼
斜日中川起白鷗
村店寂寥寒食節
行人迢遞木蘭舟
芳情滿目東風急
欲打汀花不自由

晚雨飲子重園亭

高齋落日偶追從
樽酒淹留一笑中
芳草滿庭飛燕子
晚涼和雨在梧桐
江魚繞筋肥烹玉
野樹藏春淺映紅
潦倒莫言歸更緩
習家池館愛山公

遊幻住庵

行行西郭兩牛鳴
路轉橋橫得化城
深巷鳥啼山木暗
清溪日暖白煙生
興懷往昔悲陳迹
每到空門損世情
坐戀蒲團留不得
碧雲回首暮鐘聲

中秋日同諸友月洲亭看雨有作

為愛芳洲綠玉灣
共來沾醉野亭間
一年索莫中秋雨
百匝空濛負郭山
水竹會心非在遠
天時多故不妨閒
獨憐日暮移舟去
不得高歌載月還

漕湖一名蠡湖相傳范蠡所開或謂通漕運而
設癸酉秋八月十七日同錢元抑陳道復顧
朝鎮朝楚夜泛有作

渺渺中流溯小舸露華初冷碧天高一痕落鏡秋宜月
萬籟無風夜自濤消盡霸圖猶說蠡傳流餉道不通漕
浮樽自適東南興何必淋漓汗錦袍

詠庭前藜菊

寒英翦翦弄輕黃百卉凋零見此芳天意也應憐晚節

金史四庫全書
卷四百九十四
秋光端不負重陽郊原慘淡風吹日籬落蕭條夜有霜
輸與陶翁能領畧南山在眼酒盈觴

秋夜

新寒高閣夜何其野笛荒砧不斷思澤國憂衰菰菜老
長安迢遞帛書遲江空露下芙蓉葉月出風吹桂樹枝
何必潘郎能自省年來青鬢已絲絲

痛中遣懷

經時卧病斷經過自撥閒愁對酒歌意外紛紛知命在

古來賢達患名多，千金逸驥空求骨。
萬里冥鴻肯受羅，心事悠悠那復識。
白頭辛苦服儒科。

賦得野亭秋

斷雲狼藉近簾櫳，天地蕭條四壁空。
盡日倚闌黃葉雨，一番吹鬢白蘋風。
年光搔首孤鴻外，山色供愁落照中。
欲寄閒情無那遠，煙波江上採芙蓉。

月夜登閭門西虹橋與子重同賦

白霧浮空去渺然，西虹橋上月初圓。
帶城燈火千家市。

極目帆檣萬里船人語不分塵似海夜寒初重水生煙
平生無限登臨興都落風欄露榭前

除夜

擁寒枯坐夜無聊杯茗爐薰次第消獨有戀人燈黯黯
那堪卒歲雨蕭蕭醉供春帖閒吟草病撫辛盤懶頌椒
少日馮陵都遣却只將雙鬢待明朝

偶過甫里乘月至白蓮寺訪陸天隨故祠

一龕香火白蓮宮古社猶題甫里翁坐挹高風千載上

依然舊宅五湖東，雨荒杞菊流螢度。
月滿陂塘，關鴨空。故草已隨塵土化。
空瞻遺像，寂寥中。

王履吉示余春日即事之作久而未復三月望

後泛舟出郭借韻奉贈

郭西楊柳綠煙多，續續春舟載綺羅。
落日千山眉斂黛，清江一曲眼橫波。
偶追勝踐拋塵慮，坐惜芳華對酒歌。
欲賦江南游子意，古原春草恨如何。

滄浪池上

金少日人二二下
卷四百九十四
楊柳陰陰十畝塘昔人曾此詠滄浪春風依舊吹芳杜
陳迹無多半夕陽積雨經時荒渚斷跳魚一聚晚波涼
渺然詩思江湖近便欲相携上野航

過吳文定公東莊

相君不見歲頻更落日平泉自愴情
徑草都迷新轍跡
園翁能識老門生
空餘列榭依流水
獨上寒原眺古城
匝地綠陰三十畝
遊人歸去亂禽鳴

陪蒲澗諸公遊石湖

杜若洲西宿雨鋪行春橋下長蘼蕪青松四面山圍寺
白鳥雙飛水滿湖故壘春歸空有燕扁舟人去遠疑鳧
相看不盡興亡恨落日長歌倒玉壺

渡江

曉泝龍江三百里蒹葭漠漠首重回天連舊禁青雲繞
日出洪流白霧開滿目秋光聊北渡隨舟山色更東來
分明記得盤游地一抹蒼煙是鳳臺

烏衣鎮望滁州諸山

東葛城頭曉月殘，烏衣鎮上水潺潺。
偶來下馬三家市，先見環州百里山。
道路重經渾不記，人情未遠尚相關。
舊遊最是西南勝，擬辦青鞋一醉攀。

游醉翁亭不果寄滁州故人

當時蹤跡兩峯間，足馬重來不及攀。
曾有題名留壞壁，羞將塵面見青山。
未應啼鳥知人樂，空望清泉裹茗還。
寄謝故人休見笑，百年雙足會須閒。

宿江浦有懷定山先生

驚風木葉夜氤氳獨宿江城酒半酣千載名山無謝傳
一生知己愧羊曇青燈暮雨殘詩帖明月蒼松舊草庵
二十年來頭欲白當時心事向誰談

錢氏池上芙蓉

九月江南花事休芙蓉宛轉在中洲美人笑隔盈盈水
落日還生渺渺愁露洗玉盤金殿冷風吹羅帶錦城秋
相看未用傷遲暮別有池塘一種幽

隣溪為朱惟文橋廼翁賦

金史四庫全書
卷四百九十四
卜得高隣隔世譁清茗十里碧雲斜去家不遠堪臨釣
傍戶流來自落花細雨聽歌青箛笠夕陽分占白鷗沙
祇今人遠遺蹤在滿目煙波漾月華

題太白像

宮袍錯落灑春風玉雪淋漓滯酒容殘夜屋梁棲落月
碧天秋水洗芙蓉麒麟豈是人間物眉宇今從畫裏逢
一語不酬千載諾匡廬山下有雲松

新正六日同子重晚步至竹堂

佛坐香燈竹裏茶新年行樂得僧家蕭然人境無車馬
次第空門有歲華幾日南風消積雪一番春色到梅花
坐吟殘照歸來緩古樹荒煙散晚鴉

次韻答子重新春見懷

樽酒離懷強自開長歌宛轉勝悲哀梅花不與春光在
茅屋相將燕子來十日輕寒風約雨一痕新綠水生苔
相思忽唱江南曲白苧含香取次裁

三月晦日登上方

金史卷之八十二
卷四百九十四
上方啼鳥綠陰成落日登臨宿雨晴春事蹉跎三月盡
碧天浮動五湖明山連越壘人何在水繞長洲草自生
未遂扁舟從此去眼中無限白鷗情

虎丘

雲巖四月野棠開無數清陰覆綠苔意到不嫌山近郭
春歸聊與客登臺芳墳誰識真娘在水品曾遭陸羽來
滿路碧煙風自散月中徐棹酒船回

同次明諸君採蓮涇間泛

採蓮涇上雨初收，秋色催人爛熳遊。
日暮白蘋風乍起，陂南黃葉水交流。
美人齊唱滄浪曲，綵鷁斜穿窈窕洲。
落盡晚花無那冷，一樽相屬更夷猶。

石湖

石湖煙水望中迷，湖上花深鳥亂啼。
芳草自生茶磨嶺，畫橋橫注越來溪。
涼風嫋嫋青蘋末，往事悠悠白日西。
依舊江波秋月墜，傷心莫唱夜烏栖。

劍守南寧李君璧與余雅不相識，比以仁和教

諭校文南畿頗有意於淺薄格於異經不果薦
甲戌自杭赴蜀道出吳門邂逅及此因賦贈

木落柴門轍跡荒使君騎馬自錢塘虛名羞問吳楓冷
往事空憐古戰場邂逅扁舟江郭晚蒼茫離思蜀山長
慙勤相贈勞相憶手結青蘭雜佩香

新秋

江城秋色淨堪憐翠柳鳴蜩鎖斷煙南國新涼歌白苧
西湖夜雨落紅蓮美人寂寞空愁暮華髮蕭疎不待年

莫去倚闌添悵望夕陽安在小樓邊

憶城西夜遊寄履約兄弟

官街車馬去如流正是濠南宿雨收
燈火蘭橋穿夜市月明歌吹滿江樓
別來西郭添新夢坐對秋風感舊遊
黃菊淒涼重九近思君欲上五湖舟

春日遊支硎天平諸山

麥隴風微燕子斜雨晴風日麗江沙
遙尋支遁煙中寺初見天平道上花
過眼溪山勞應接方春草樹發光華

夕陽半嶺歸興急，慚愧城中自有家。

陪蒲澗諸公遊石湖

橫塘西下水如油，拂岸垂楊翠欲流。
落日誰歌桃葉渡，涼風徐度藕花洲。
蕭然白雨醒煩燠，無賴青山破晚愁。
滿目煙波情不極，遊人還上木蘭舟。

初歸簡理停雲館有感

京塵兩月暗征衫，此日停雲一解顏。
道路何如故鄉好，琴書能待主人還。
已過壯歲悲華髮，敢負明時問碧山。

百事不營堪美睡
黃花時節雨斑斑

過履約

浪跡歸來意渺茫
思君今日上君堂
厭看流俗求同志
喜對時羞是故鄉
白髮持螯能幾醉
黃花在眼即重陽
馬蹄不到闌干曲
日暮江樓數雁行

有懷觀音庵舊遊

曲巷不容車馬到
山人曾是一春留
別來空鎖眠雲榻
歲晚常懷聽雨樓
牕外梨花應自好
壁間詩草屬誰收

似聞黃葉秋逾靜
憔悴無心覓舊遊

楞伽寺湖山樓

石湖春盡水交流
來上支公百尺樓
尊酒吟分茶磨雨
疎簾橫捲越城秋
一窻粉墨開圖畫
萬里風煙入卧游
正是倚闌愁絕處
不禁長笛起滄洲

喜雨

弱雲將暝暗柴關
急雨蕭然落坐間
山鳥近人呼滑滑
春泉隔屋送潺潺
小牕破睡茶甌淺
別院生涼羽扇閒

滿目新詩題不得，登樓自看郭西山。

雨中簡篋得石田先生丁卯歲贈詩

碧雲何處寄遐思，往事惟應歲月知。
奕奕風流今昔夢，離離殘墨死生期。
憶君感慨身難續，顧我飄零鬢亦絲。

欲詠江城當日闕

愁雨不成詩

夏日同次明履仁治平寺納涼

山中六日可逃禪，相與清齋佛座前。
風細石壇松落子，雨深沙竇竹垂鞭。
別來光景渾依舊，壁上題名不記年。

底用忘歸歸自好晚霞新月載溪船

寂寂雲堂車馬稀陰陰灌木暑光微竹根雨過蛙爭吠
松下日斜僧未歸每見青山羞世網欲臨流水置柴扉
紫薇勝槩吾能領只恐時情與願違

泛舟

江上疎疎梅子雨煙中嫋嫋竹枝歌暖風初泛青蓮舫
斜日輕搖綠玉波南浦春光啼鳥寂西來山色過橋多
美人只在橫塘曲手把芙蓉奈遠何

王氏溪樓

晴雲拂棟思悠悠
來上元龍百尺樓
落日正臨官渡晚
春江自抱古城流
夾堤煙火千家市
下水帆檣萬斛舟
舊事淒涼芳草滿
不知何處是長洲

聞砧

明滅疎燈鑿薄帷
誰家擣練夜遲遲
驚回短夢千門月
不斷秋風萬里思
歲晚江城還自急
天寒閨閣最先知
高樓人靜星河爛
正是霜華欲下時

天界寺

城南寶刹舊稱雄
晉代莊嚴在眼中
絕壁星辰連閣道
上方龍象湧珠宮
翠圍嵐袖層層雨
涼入松杉院院風
身世茫茫塵土滿
欲依蓮社住江東

阻風江上同蔡九達諸君登靜海寺閣

塵土蕭條行路難
秋風高閣一憑闌
雲移白鷺煙波遠
水繞盧龍木葉寒
老閱江山猶自壯
行歌天地本來寬
平生零落餘長劍
得與同遊倚醉看

三宿巖

積石誰名遠磨巖花間古洞鎖蒼煙何能奈下淹三宿
却探仇池自一天古樹騰蛟根束鐵春苔蝕雨翠連錢
只應曾見臺城事回首梁王又幾年

揚州

竹西簫管玉參差柳外樓臺舞陸離落日蕪城非故國
春風后土有荒祠錦帆煙月千年夢禪榻情懷兩鬢絲
二十四橋何處是扁舟西去不勝思

留城道中有張良祠

古隄楊柳綠絲柔
盡日南風送客舟
百里青徐平入望
千年汗泗正交流
草荒霸業春過沛
月滿叢祠夜泊留
老去馬遷心尚在
不妨書劍事遨遊

魏家灣有感

博平縣裏侍親時
四十年來兩鬢絲
竹馬都非前日夢
枯魚空負此生悲
已無父老談遺事
獨有聲名繫去思
憔悴平生塵土跡
魏灣流水會能知

雨中放朝出左掖

霏微芳潤霓旌歷落彤墀散履聲
暝色浮煙迷左掖
碧雲將雨近西清
柳垂青瑣千絲重
水落銀橋萬玉鳴
沽酒不辭袍袖濕
天街塵淨馬蹄輕

元旦朝賀

仙音縹緲協和驚
天上春回白玉闌
日出雞人齊唱卯
雪消風伯為驅寒
萬方玉帛看王會
一歲儀文重履端
滿目昇平題不得
白頭慚愧直金鑿

翰林齊宿

春星爛熳燭薇垣獨擁青綾向夜闌宮漏隔花銀箭永
蓮燈垂燼玉堂寒坐聆宵柝霜圍屋想見郊禋月滿壇
鈴索無風塵土遠始知仙署逼金鑿

興隆寺致齋

漠漠香燈佛座前寢衣相對不成眠明禋夙奉廷中戒
清淨來修物外緣竹樹湘簾新月色鬢絲禪榻舊風煙
無端忽憶朝元事笑隔春風又一年

內直有感

天上樓臺白玉堂
白頭來作秘書郎
退朝每傍花枝入
曝直遙聞刻漏長
鈴索蕭閒青瑣靜
詞頭爛熳紫泥香
野人不識瀛洲樂
清夢依然在故鄉

遊西苑

宛轉瀛洲帶幔坡
螭螭玉螭壓銀河
廣寒遙見空中樹
太液微生雨後波
雲捲紅粧千步障
風吹瑠蓋萬年柯
太平見說宸遊簡
馳道青青長薜蘿

秋日再經西苑

內苑清秋宿露晞
盈盈日采動金扉
松間翠殿團華蓋
天外銀橋入紫薇
錦纜稀遊青雀暗
瑤波無際白鷗飛
彤墻高柳無人折
時見中官一騎歸

萬歲山在子城東北玄武門外蓋大內之鎮山也其上林木陰翳多珍菓一名百果園

日出靈山花霧消
分明員嶠戴金鰲
東來複道浮雲迥
北極觚稜王氣高
仙仗乘春觀物化
寢園常歲薦櫻桃

青林翠葆深於沐總是天家雨露膏

瑤華島在太液池中上有廣寒殿相傳遼太后
游息之所

海上三山擁翠鬢天宮遙在碧雲端古來漫說瑤臺迥
人世寧知玉宇寒落日芙蓉煙裊裊秋風桂樹露團團
勝游寂寞前朝事誰見吹簫駕綵鸞

承光殿在太液池上圍以甕城殿構環轉如蓋
一名圓殿中有古栝數百年物也

小苑平臨太液池金鋪約戶鎖蟠螭雲中帝座飛華蓋
城上鈎陳繞翠旗紫氣曾迴雙鳳輦青松猶有萬年枝
從來清蹕深嚴地開盡碧桃人未知

龍舟浦在瓊華島東北有水殿二藏龍舟鳳舸
列殿陰陰水竇連漢家帝子有樓船蘭橈桂楫曾千里
錦纜牙檣憶往年汾水秋風空落日隋堤楊柳漫青煙
今皇別有同民樂不遣青龍漾碧川

芭蕉園在太液池東崇臺複殿古木珍石參

錯其中又有小山曲水實錄成於此焚稿

小山盤折翠峇穿松檜陰陰輦道斜草長蘭亭迷曲水
雨深桃洞自飄花紫雲依舊圍黃屋青鳥還應識翠華
知是史臣焚草地大光隱隱結紅霞

南臺在太液池之南上有殿曰昭和下有水田
村舍先朝嘗於此閱稼

青林迤邐轉迴塘南去高臺對苑牆暖日旌旗春欲動
薰風殿閣晝生涼別開水榭親魚鳥下見平田熟稻梁

聖主一遊還一豫居然清禁有江鄉

早出阜城馬上作

有約城西散冶情春風輟直下承明清時自得閒官味
勝日難將樂事并馬首年光新柳色煙中蘭若遠鐘聲
悠悠岐路何須問且向白雲深處行

登香山

指點風煙欲上迷却聞鐘梵得招提青松四面雲藏屋
翠壁千尋石作梯滿地落花啼鳥寂倚闌斜日亂山低

去來不用留詩句多少蒼苔沒舊題

碧雲寺

翠殿朱扉翔紫清璇題金榜日晶晶青蓮宛轉開天界
玉闕分明作化城雙澗循徐鳴珮玦三花拂檻暎幡旌
貴人一去無消息野老依稀識姓名

歇馬望湖亭

寺前楊柳綠陰濃檻外晴湖白暎空客子長途嘶倦馬
夕陽高閣送飛鴻即看野色浮天際已覺扁舟落掌中

三月燕南花滿地春光都在五雲東

呂公洞

何時神斧擘幽崖古竇春雲福地開翠壁未磨邪律字
石牀曾卧呂公來陰寒四面凝蒼雪秀色千年蝕紫苔
凡骨未仙留不得剛風吹下夕陽臺

西湖

春湖落日水拖藍天影樓臺上下涵十里青山行畫裏
雙飛白鳥似江南思家忽動扁舟興顧影深懷短綬慚

不盡平生淹戀意緣陰深處更停驂

治平寺寄聽松

七尺藤牀一畝宮青山何處不相容
大官底用三升酒長樂愁聞五夜鐘
笠澤風煙荒橘柚橫塘秋色老芙蓉
幾時歸去楞伽寺常伴林僧看古松

竹堂寺寄無盡

東城古寺萬枝梅一歲看花得幾迴
竹徑三年無我跡松門此日為誰開
還應壞壁餘詩草只恐荒碑蝕雨苔

憑仗山僧懸木榻長安倦客且歸來

馬禪寺寄明祥

閒情每結道人緣不到東禪即馬禪
花發來禽凡幾樹夢回啼鳥已三千
朔風左掖籠貂帽殘雪長安縮玉鞭
不及祥師蕭寺裏茶煙一榻擁書眠

寶幢寺寄石窩

久客懷歸問舊遊雙娥精舍屋東頭
絕憐近市無塵到曾是尋僧竟日留
滿地綠陰誰結夏擁籬黃葉更宜秋

玉泉清冽應無恙，憑仗山厨設茗甌。

昭慶寺寄守山

搔首長安望闔閭，風煙漠漠九秋餘。
正思黃葉南朝寺，忽把飛雲慧遠書。
東壁磨碑知有待，北窻懸榻竟何如。
自憐白首無裨補，虛棄閒緣臥直廬。

懷石湖

茶磨山前宿雨晴，行春橋下綠波平。
吳兒越女齊聲唱，菱葉荷花無數生。
落日夷猶青雀舫，孤煙縹緲望湖亭。

平生走馬聽雞處殘夢依依是越城

送王承恩侍講叅政四川

鳥道巖壚萬里賒從臣分省向三巴中朝聲望雲山重
內史文章錦水華爛熳新恩蒼玉節依然舊署紫薇花
只應未忘論思地翹首金鑿北斗斜

致仕出京言懷

白髮蕭疎老秘書倦遊零落病相如三年漫索長安米
一日歸乘下澤車坐對西山朝氣爽夢回東壁夜愜虛

玉蘭堂下秋風蚤幽竹黃花不負余

阻冰潞河簡同行黃太史才伯

長河十月朔風悲零落貂裘不受吹
冰雪崢嶸驚歲晚
江湖寂寞滯歸期誰憐阮籍窮途泣
自笑穰侯見事遲
忽憶同行黃太史篝燈何處擁書帷

次韻答徐子容學士見懷

霜華慘淡襲征衣關朔蕭條雁影稀
遊子天涯苦行役
故人歲晚惜分違還家短夢秋無賴
伴客殘缸夜有輝

猶勝前時羸馬上滿頭風雪赴朝歸

次韻答唐雲卿禮部

關河歲晏客衣單滿鬢秋風衰鷓冠塵土自憐疲馬倦
江湖誰念白鷗寒去來信有天機在閱歷方知道路難
憔悴不忘飄泊處方舟冰雪潞河間

臘日與才伯小酌追懷去臘午門賜燕

去歲嘉平燕紫宮長筵錯落午門東一時隨例沾恩澤
此日追思嘆轉蓬節序不驚雙鬢改江湖猶幸一樽同

柳條萱草何須問且共天涯目斷鴻

除夕二首

撥盡鹽灰夜欲晨不知飄泊潞河濱
燈花自照還家夢道路誰憐去國人
浩蕩江湖容白髮蹉跎舟楫待青春
只應免逐雞聲起無復鳴珂候紫宸

黯黯離愁酒半醺不眠閒讀送窮文
旅憲燈火寒猶在村巷雞聲歲又分
千里家山歸有漸百年心事老無聞
未妨去國還飄泊已把閒心等白雲

丁亥元日次才伯韻

東風早晚到天涯
客子逢春正憶家
柏葉漫傳元旦酒
江梅應發故園花
不愁逆旅無親戚
依舊江湖有歲華
深負鄭莊騰薦剡
遊巖痼疾久煙霞

過揚州登平山堂

鶯啼三月過維揚
來上平山郭外堂
江左繁華隋柳盡
淮南形勝蜀岡長
百年往事悲陳迹
千里歸人喜近鄉
滿地落花春醉醒
晚風吹雨過雷塘

徒步至寶光寺

布襪青鞋短褐衣酒樽詩卷一僮隨白頭自笑曾供奉
徒步誰憐老拾遺五畝喜聞秔稻熟重陽還恨菊花遲
松寮竹谷逍遙地時有山僧乞小詩

千葉梅與方山人同賦

緗梅奕葉照瓊枝不是橫斜舊日姿繁雪吹香春剪剪
冷雲團樹玉差差羅浮夢斷情稠疊瑤圃風生珮陸離
一任堦前明月碎清真不負歲寒期

顧華玉以書邀予為西湖之遊病不能赴以詩

謝之

舊約錢塘二十年春風擬放越溪船却憐白髮牽衰病
應是青山欠此緣漫說西湖天下勝深慚北道主人賢
只餘好夢隨湖去月落空江萬樹煙

靜隱

掃地焚香習燕清蕭然一室謝將迎坐移白日花間影
睡起春禽竹外聲心遠自應人境寂道深殊覺世緣輕

問奇尚有門前客却恨青山不掩名

雨後

積雨初收風乍顛城南花事已茫然黃鸝繞樹空千轉
白髮傷春又一年竹几蒲團供坐睡茗杯香鼎有閒緣
客來莫話長安事自理南華物外篇

上巳日石湖小集

楞伽湖上晚風和茶磨巖前宿雨過士女競浮青雀舫
野人堪占白鷗波春來花鳥閒情在老去山林樂事多

金少府人卷三十一
卷四百九十四
辨取一樽酬令節扣舷聊和竹枝歌

夜坐

幽人被酒夜不眠攬衣起坐垂堂前
參差花影忽滿地
仰見明月流青天微風吹空星漠漠
時有羈鴻度寥廓
美人不來更漏沉
天南縹緲銀河落

賦得廬山送盧師

誰見匡廬百疊蒼
輶車八月下潯陽
天開畫障芙蓉出
風約銀河瀑布長
秀色從來堪攬結
壯遊還待發文章

因君忽動江湖興，便擬東林問草堂。

睡起

睡起西齋片雨過，綠陰庭院晚涼多。
烏衣春盡渾無語，白苧秋來漫有歌。
世態風雲從變幻，山林日月未蹉跎。
却憐逸少猶多事，時寫黃庭換白鵝。

二月廿六日遊天池諸山

西北羣山列翠屏，天池宛轉帶支硎。
行穿壑谷身忘倦，忽聽松風酒覺醒。
歲閏故應春緩緩，民饑欣見麥青青。

金少府人三十一
卷四百九十四
老年行樂知無幾
莫負樽前雙玉瓶

泛湖

春盡南湖碧玉流
故人湖上共夷猶
平梳野渡沿青草
疊鼓中川起白鷗
雲日霏霏梅子雨
風蒲獵獵藕花洲
行春橋外山千疊
盡逐波光上綵舟

丁未九日與履約諸君同泛石湖就登上方

宿雨初晴水拍天
碧雲微斂日華鮮
時當黃菊菜黃候
秋在滄洲白鳥邊
柳外畫橋人似蟻
湖心蘭棹酒如泉

攜壺更醉湖山上白髮重逢又一年

是歲閏九月再泛

剛喜重陽臨閏月不辭老病復登臺多情秋色依前在
有待籬花故晚開佳節從知難再值青山端不厭重來
畫船記取橫塘路十里笙歌載月回

己酉除夕

八十衰翁仍送歲鑪薰燈影共婆娑青雲志業消都盡
白髮光陰得最多天地勞生空處簡江湖得意有漁蓑

孫曾繞膝情堪戀後飲屠蘓且笑歌

人日直夫東園小集

雪後江梅燦玉英蕭然人日半陰晴雜占誰問東方朔
妙思空懷薛道衡綵勝千年傳故事蔬盤七種薦春羹
白頭不落山林事入向名園聽早鶯

玉蘭花

綽約新妝玉有輝素娥千隊雪成圍我知姑射真仙子
天遣霓裳試羽衣影落空階初月冷香生別院晚風微

玉環飛燕元相敵笑比江梅不恨肥

春歸

三月春光積漸微不須風雨也應歸與人又作經年別
回首空驚昨夢非江燕引雛芳草滿林鶯出谷杏花稀
沈郎別有傷情地不為題詩減帶圍

阻風宿九里湖

雲返長空斷雁呼水聲推岸雜風蒲扁舟卧聽三更雨
一葦難航九里湖繞榻波濤歸夢短隔林煙火遠村孤

人生何必江山險咫尺離家即畏途

辛亥除夕守歲

坐戀殘年漫有情
夜堂燒燭待天明
不愁老大無同輩
祇覺聰明愧後生
得歲笑看新舊歷
無眠厭聽短長更
香消酒冷人初靜
忽報晨雞第一聲

素髮

素髮絲絲不滿梳
衰容覽鏡已非吾
蕭條暮景看籬菊
次第秋風到井梧
物外機心聊奕旨
老來多事坐詩逋

祇應雙足能強健，着屐登山未要扶。

壬子歲除

殘燈明滅照頭顱，八十三齡過隙虛。一歲又從今夕盡，
餘生消得幾番除。老知無地酬君寵，貧喜傳家媿父書。
獨有梅花堪慰藉，春風消息定何如。

癸丑元旦

呶啞隣雞過短垣，起看春色拂塵冠。昇平滿目新頒朔，
日月無窮又履端。短髮蕭疎霜葉脫，壯心零落曉燈殘。

從前卉物冰霜盡一樹梅花獨耐寒

晚泊楊莊

碧雲微斂四山蒼晚泊孤舟對夕陽
店舍寂寥斜帶水人家籬落盡栽桑
風煙入望知何處雞犬相聞自一鄉
正自旅懷眠不得數聲漁唱起滄浪

秋夜

四壁鳴蛩露下餘片雲和悶酒
兵除風掠墮葉秋聲早
月暎空庭夜色虛衰病不禁時序改
蕭閒自與世情疎

若為白首安眠地時有鶯塵報羽書

維亭夜泊

孤篷燈火宿維亭宿酒微消夢不成人語煙中江月墮
舟橫渡口夜潮生閒看歲月都無迹舊厓村墟尚有情
四野微霜菰葉冷時聞沙上水禽聲

除夕

白髮婆娑夜不眠孫曾繞膝更翩颺已知明旦非今日
不覺殘齡又一年舊事悲歡燈影裏春風消息酒杯前

更闌人靜雞聲起却對梅花一粲然

元日試筆

雲霞駘蕩曉光和手折梅花對酒歌
暮齒不嫌來日短霜髭較似去年多
東風漸屬青陽候流水微生綠玉波
鳥弄新音晴晝永相看不飲奈春何

除夕

坐應殘燈思黯然而看殘曆已無緣
萬千舊事空難鬢八十明朝又六年
笑飲屠蘇甘落後老嗟筋力不如前

烽煙那隔春風信次第梅花到酒邊

乙卯元旦

滄溟日日羽書傳華髮蕭蕭節叙遷時不可追空逝水
老今如此况烽煙漫拋舊厯開新厯却到衰年憶少年
潦倒不妨詩筆在曉窻和墨寫新篇

穀日早起

空庭草色映簾明短鬢春風細細生簷溜收聲殘雪盡
索光斜枕曉寒輕非賢寧畏蛇年至多難欣占穀日晴

詩思攬人眠不得山禽屋角有新聲

戊午元旦

勞生九十漫隨緣老病支離幸自全百歲幾人登耄耄
一身五世見曾玄祇將去日占來日誰謂增年是減年
次第梅花春滿目可容愁到酒樽前

期陳淳不至

美人期不至寂寞繞階行短架閒書帙幽窗聽履聲空
令開竹徑深負洗茶鑪春草暮雲合梅花初月明蹉跎

殘諾在次第小詩成未敢輕知已終然媿後生新年池
上夢舊雨酒邊情眼底非無客相看意獨傾

次韻答九遠見寄

季子徒存舌相如已倦遊人方誇北阮吾自愛東丘病
卧吳門雨遙憐澤國秋渚雲溼暮景江草識離憂樸學
難為用微名費屢求千金懷敝帚半夜失藏丹伏櫪餘
初志投襦愧本謀網羅空自密零落不堪收

瀟湘夜雨

濕雲載秋聲萬籟集簞竹江湖白髮長獨擁孤蓬宿

洞庭秋月

月出天在水平湖靜於席安得謫仙人來聽君山笛

山市晴嵐

雞聲茅屋午靄靄墟煙白市散人亦稀山空翠猶滴

甲寅除夕

多事關心偶不眠隨人也當守殘年不須更說新春事
來歲今宵在目前

崇義院雜題

六月門前暑似炊
殿堂深處未曾知
晚涼浴罷思歸去
更為松風佇少時

兒子晬日口占絕句

堂前笑展晬盤時
漫說終身視一持
我已蹉跎無復望
試陳書卷卜吾兒

過吉祥寺追和故友劉協中遺詩

塵蹤俗面強追間
慚愧空門數往還
不見故人空約在

黃梅雨暗郭西山

景德寺

古屋無人犬護籬
偶拋塵土得幽棲
不知何福能消受
滿地松陰一鳥啼

吳隱之畫像

千年遺像識真難
重是高風不可刊
一樣廣州俱刺史
幾人傳入畫圖看

與遠甫燕坐小齋為寫竹石

對坐焚香習燕清
好風如水汎簾旌
夕陽忽見疎疎影
落木空江生遠情

除夕

辟瘟微火熬靈丹
坐倚寒檠向夜闌
臘意亦知人戀歲
為留殘雪隔年看

題侍御敬止所藏仲穆馬圖

犖犖才情與世疎
等閒零落傍江湖
不應泛駕終難用
閒看王孫駿馬圖

方方壺畫

煙沈密樹蒼山暝波捲長空白鳥迴
細雨斜風簷笠具
釣船何事却歸來

元日書事效劉後村

愁早無端到小齋問愁誰送與誰媒
殘年原未將愁去
不是新年別帶來

題沈侗齋修竹士女

開盡閒花草漫坡青春零落奈愁何
詩人自惜鉛華冷

翻出天寒翠袖歌

題畫

新霜點筆意蕭蕭不盡秋光雁影遙
雙鳥欲浮天拍水
夕陽人在虎山橋

百丈蒼山倚暮寒仙源無路欲通難
晚來過雨添飛瀑
只好幽人隔岸看

元日承天寺訪孫山人

當年結習住僧家對客分泉自品茶
欲識道人高潔處

紙窗殘雪照梅花

梨花山鷓

物華無賴酒初醒
奕奕梨花照晚晴
怪底山禽啼不歇
十分春色近清明

晚晴

茆簷漠漠晚風微
曲院無人雨霽時
忽見碧窗疎影亂
一痕新月在花枝

題畫

密葉參差漏夕陽
濺濺寒玉漱迴塘
玄言消盡人間事
一壑松風滿鬢涼

寂寞平臯帶淺灘
幽人時共夕陽還
水禽飛去疎煙滅
目送秋光入斷山

題竹寄履仁

西齋半日雨浪浪
雨過新梢出短牆
塵土不飛人跡斷
碧陰添得晚窻涼

題畫

碧山渺渺隔晴川
古樹垂藤鎖翠煙
野鹿銜花時隱見
石橋無路訪神仙

蟲蟲青山帶白雲
石梁雞犬數家村
江空不遣漁郎到
盡日桃花自掩門

千山圖畫擁飛樓
山木蒼蒼水漫流
青鳥亂啼花細落
石梁南畔是瀛洲

春日懷子重履約履仁

二月東風已物華
誰教寂寞向僧家
關心夜雨應無寐

侵曉開門看杏花

題畫

雙幹亭亭碧玉明
翠陰涼沁石牀清
南風吹斷窻間酒
卧聽蕭蕭暮雨聲

晚意

風吹白苧晚涼生
乍試蘭湯尚不勝
阿閣東頭新月上
玉盃纖手自調冰

題畫

綠樹敷陰翠荇香
方舟十里下迴塘
白鷗飛去青山在
落日唱歌煙水長

戲簡履約

青天缺月映江流
不見嫦娥抱影愁
玉宇參差孤笛起
夜深來上水西樓

題畫

細路盤盤轉石根
蒼藤古木帶斜曛
短筇不覺行來遠
回首青山半是雲

江頭春水綠灣灣江上春山擁翠鬟老我輸他茅屋底
無愁終日對江山

某比以筆劄逋緩應酬為勞且聞有露章薦留
者才伯扳詩見戲輒亦用韻解嘲

不用浮文薦子虛底須滄海問遺珠若為尚作嵇康喙
懶慢難酬滿案書

閏正月十一日遊玄妙觀歷諸道院晚登露臺
乘月而歸

探春行覓羽人家洞裏仙桃未着花一段閒情杯酒外
山童能供竹間茶

竹堂

乘閒上日到僧家慚愧空門有歲華滿地碧煙新草色
一痕春意草梅花

石倉歷代詩選卷四百九十四